

Fu posto, dar certa provision a li fioli di Zuan Mato, contestabile in la rocha di Cremona, qual è morto, di ducati X al mese, et maridar una soa fiola; fu presa.

Fu posto le opinion, in la materia tratada za più mexi, *videlicet* di Alexio. Et li savij metevano, atento le letere di Constantinopoli, di compiacer il signor turco; a l'incontro, sier Polo Pixani, el cavalier, consier, sier Lunardo Grimani, savio dil consejo, et sier Hironimo Querini, savio di terra ferma, sier Lorenzo Barbarigo, sier Lodovico Falier, savij ai ordeni, di star sul preso, *videlicet* non risponder o. Et parlò sier Polo Pixani, sopra dito; li rispose sier Marco Antonio Morexini, el cavalier, procurator, savio dil consejo. Ave, li savij, 70, et il consier 90; et quella fu presa con grandissima credenza. Et nota, li è a custodia 3 galie, *tamen* con commission al vice capetanio dil colfo, di non venir a rotura di arme, perchè li a torno Alexio è adunati molti turchi; ma hanno fato le spianade, e si tien non farano movesta, vedendo le nostre galie de li, et èvi provedador sier Nadal Marzello.

Restò consejo di X, per far do vice capi, in luogo di sier Zuan Vendramin, et sier Zacaria Contarini, el cavalier, sono amallati, sier Francesco Nani et sier Pollo Capello, el cavalier, resta sier Zacaria Dolfim.

101* *A d'è 3.* Fo consejo di X, et collegio, da sper si. In questa matina, in caxa di la serenissima regina di Cypri, Cornera, fo sposata una sua neza, fia di una sua zermana, fo mojer di sier Ferigo, Gradeniga, nominata, in el signor Carlo Malatesta, fradello dil signor Pandolfo di Citadella, *olim* signor di Arimano, el qual *etiam* lui vi vene; et fu fato festa, et pasti molto somptuosi.

A d'è 4. Fo pregadi. Fo letere di sier Alvixe da Mulla, vicedomino di Ferara, di 2. Come il duca havea confinato a Brexele uno suo fradello, nominato don Julio; et questo, perchè l'havea trato di le prexon di Modena uno prete, che 'l duca l'havea condanato a morir li. *Item*, che 'l duca havea mandato fantarie a Grifignana et Castel Novo, per le motion fanno fiorentini per rehavev Pisa; et che bolognesi vi mandava zente in ajuto di fiorentini.

Fu posto, per li savij dil collegio, meter do galie al viazo di la Romania bassa, vadino a Corfù, Zante Zefalonia, Candia, Rodi et Cypro, dove lievino le merze et le sede sono in Cypro, ch'è stà condute di Tripoli, nè possino andar in Soria, ma ben levar le robe si potrà trar di la Soria *etc.*; li patroni si habino a provar per 20 di questo, il capetanio parti

a di 10 octubrio, e poi l'altra; et sier Marin Zustignan, savio a terra ferma, volse più tempo, et perse, fu preso l'incanto. Contradise sier Antonio Pixani, è di pregadi, *quondam* sier Marin, qual voleva l'andasse a Baruto; li rispose sier Vincenzo Baldi, savio ai ordeni, e pocho.

Fu posto, per il serenissimo, e tutti di colegio, le apelation dil provedador di la Zefalonia, di ducati 1000 in zoso, ai retori di Corfù; e cussì dil provedador dil Zante; et fu presa.

Item, li capitoli di oratori, fo spazà per colegio, dil Zante, *ut* l'altro.

Fu posto seriver al provedador di Faenza, possi vender quelle caxe, fo dil signor, a termine, dando uno 3.º di contadi, et il trato si metti in la fortification dil castello.

Fu preso, seriver in corte per certo prete fo causa di far dar Taranto a la Signoria, *ut in parte*; *nil* da conto.

Fu fato scurtinio di uno orator in Spagna, justa la parte presa; rimase sier Cabriel Moro, el qual havea fato grandissima praticata. Questo è il scurtinio.

119 *Electo orator in Spagna.*

Sier Nicolò Michiel, el dotor, fo ai X officij, <i>quondam</i> sier Francesco,	78
Sier Marco Gradenigo, el dotor, l'auditor vechio, <i>quondam</i> sier Anzolo,	56
Sier Piero Mozenigo, <i>quondam</i> sier Francesco,	
Sier Lorenzo Bragadim, che leze im philosophia, di sier Francesco,	89
Sier Francesco Dolfim, <i>quondam</i> sier Zuane,	79
Sier Cabriel Emo, <i>quondam</i> sier Zuan, el cavalier,	91
Sier Vincenzo Cabriel, <i>quondam</i> sier Bertuzzi, el cavalier,	100
Sier Piero Bembo, di sier Bernardo, dotor, cavalier,	62
Sier Jacomo Zustignan, el 40, <i>quondam</i> sier Francesco, el cavalier,	82
† Sier Cabriel Moro, fo ambassador al gran capetanio yspano, <i>quondam</i> sier Antonio,	102 115
Sier Alvixe Bon, el dotor, <i>quondam</i> sier Michiel,	63
Sier Francesco Corner, <i>quondam</i> sier Fantim, da la Piscopia,	91
Sier Lorenzo Orio, el dotor, l'auditor novo, <i>quondam</i> sier Polo,	68